

Bet Nyied Cibhaj Ronghndwen Gyaeu

八月十五月亮美



Muengh ha muengh, bet nyied cibhaj gou muengh haujlai nanz haenx daeujdaengz lo. Gou gyaez bet nyied cibhaj, gyaez yawj aen ronghndwen luenzlu ronghsag haenx,

gyaez gwn bingjrondhndwen diemzsub homfwd haenx.

Ngoenz bet nyied cibhaj, gou caeuq daegnuengx caeuxcaeux couh hwnqdaeuq lo. Baez hwnqdaeuq, daegnuengx couh nauh yawj ronghndwen. Daxmeh riu naeuz: "Lwg huk ha, ronghndwen dwg banhaemh cij okdaeuq, seizneix dwg banhaet ha!" Daegnuengx dingq le, mbouj ndei eiqseiq ngaem gyaeuq roengzdaeuq lo. Daengx ranz vunz cix deng gij vah daegnuengx daeuq ndaej riuhaha.

Banhaemh, dou youq gyanghongh baij bingjrondhndwen caeuq dangz mak. Gou caeuq daegnuengx youq

gyanghongh itmienh gwn bingj itmienh caj ronghndwen okdaeuq, hoeng caj haujlai nanz lo hix mbouj raen ronghndwen okdaeuq. Dou couh ngaec daxbuz gangj gojgaeq ronghndwen. Daxbuz gangj aen youh aen gojgaeq ronghndwen hawj dou dingq……

Sawqmwh, daxbuz vix gwnzmbwn naeuz: "Ronghndwen okdaeuq lo!" Dou yawj hwnj gwnzmbwn bae, caen dah-raix, ronghndwen okdaeuq lo. Mwhde, ronghndwen lumj boux bawxmoq launyaenq nei, sien loh'ok di vangungj hau ndeu, ciepdwk loh'ok buenqluenz, doeklaeng daengx aen ronghndwen daj geh fwj diuq okdaeuq

lo. Dou angq raixcaix, ngiengx gyaeuq yawj ronghndwen. Sawqmwh, henz ronghndwen mbin daeuq duj fwjhau he, dangj youq aennaj ronghndwen, rongh ronghndwen daj bien fwjhau ndonj okdaeuq, youq seiqhenz dujfwj sieng baenz gvaengz ronghndwen he. Gvaengz ronghndwen dak dwk dujfwj daj baihlaj ronghndwen mbin gvaq. Gyaeundeil lai lo! Dou yawj ronghndwen daengz gig gvaiz cij ninz.

Ronghndwen bet nyied cibhaj luenzlulu, ronghsagsag, dwgggyaez gyaeundeil raixcaix. Gou gyaez ronghndwen bet nyied cibhaj!

(seiq nienzgaep Lij Siujdanh)

Aenban Gou

我的班级

Aenban gou, buenx gou dohgvaq le seiq bi saedqceij angqyangz. Aenban gou lumj go faex hung ndeu, 60 boux hagseng dwg 60 mbaw mbawfaex, lauxsae couhdwg cawjganj gofaex, dou moix ngoenz cungj supaeu cihsiz caeuq ligliengh lauxsae hawj haenx, angqyangz majhung.

Gou gig gyaez aenban gou, aenvih de hawj le gou cingzngieih ceiq dijbauj haenx. Miz baez ndeu, youq gwnz yindung'vei doxdax, gou buet ndaej haemq menh, dwg boux ceiq doeklaeng. Mwhde, henz rwz gou cienz daeuq baenz raq baenz raq sing gyayouz, gou nyex gyaeuq yawj, laxlawz dwg gyengq doengzhag hemq gyayouz gujli gou, gij sing neix lumj miz fapswd nei, sawj gou daengx ndang rengzrd, lumj yaek mbin hwnjdaeuq nei, gou buekmingh buet daengz le gizdaemx. Yienznaeuz gou mbouj dwg boux ceiq ak, hoeng gou yungh gij roengzrengz genhciz gou hoenx hingz le swheij, hix soundaej le gij cingzngieih beij gijmaz cungj dijbauj haenx.

Gou gyaez aenban gou, de mboujdan sawj gou soundaej le cingzngieih, lij hawj gou haujlai haujlai raeujrub. Miz baez ndeu, fwngz gou mbouj siujsim deng bohliiz gvej sieng lo, gyoengq doengzhag itmienh nai gou, itmienh buet bae ra lauxsae. Lauxsae hix mbouj goq swheij caengz hwnjdangz sat, gaem fwngz gou couh buet bae coh yihvusiz. Daengz yihvusiz, canghyw sijsaeq bang gou bau baksieng, gou yawjraen lauxsae daengx naj cungj dwg hanh, baegfofo, gou sawqmwh roxnyinh daengz daengx ndang raeujrubrub.

Aenban gou dwg aen ban doxgiet doxbang he, gyoengqdou doxcaez hagsib, doxcaez roengzrengz, vih ndaw ban cengheiq ceng aeunaj. Gou vih gou ndaej youq aen ban neix gamjdaengz miznaj, gou gyaez aenban gou!

(seiq nienzgaep Vangz Cauh)

Haeuxyangz Vuenh Makbingzgoj

玉米换苹果



Miz ngoenz ndeu, Dauzdauz dingqnyei gwnz gai miz boux boh'au he hemq: "Makbingzgoj youh hung youh diemz, 10 ciengwz haeuxyangz vuenh 5 ciengwz makbingzgoj."

Daxgoeng daek aeu haeuxyangz cuengq ndaw swx, okdou bae vuenh makbingzgoj. Dauzdauz riengz daxgoeng doxcaez okbae lo.

Boh'au dawz haeuxyangz lienz aenswx cuengq gwnz caengh bae caengh, de naeuz: "Cingqndei 6 ciengwz. Caiq caengh aenswx miz

geijlai naek mazfanz lai, hixnaengz yienghneix ba, gou sien mbouj cawz aenswx miz geijlai naek bae, ciuq 1 ciengwz haeuxyangz vuenh 0.5 ciengwz makbingzgoj suenq, mwngz gojyij ndaej daengz $0.5 \times 6 = 3$ (ciengwz) makbingzgoj. Gou lienz aenswx caengh gaeuq hawj mwngz 3 ciengwz couh ndaej lo."

Daxgoeng dingq le, roxnyinh miz dauhleix, couh ngaek gyaeuq doengzeiq lo. Yaep he boh'au couh caengh ndei makbingzgoj lo.

Dauzdauz gyaez doengh'uk haenx mbouj yienghneix riengz daxgoengz doengzeiq, de gaem gaiq faex iq he youq gwnz dieg suenq.

"Daxgoeng, yienghneix vuenh raeuz gwnvi lo!" Dauzdauz naeuz.

Boh'au baez dingq, hozndat naeuz: "Lwngyez gaej luenh gangj bw!"

Dauzdauz mbouj fug naeuz: "10 ciengwz haeuxyangz vuenh 5 ciengwz makbingzgoj, raeuz gyajciet aenswx naek 1 ciengwz, haeuxyangz naek 9 ciengwz, wnggai vuenh ndaej 4.5 ciengwz makbingzgoj. Hoeng ciuq gij fuengfap mwngz suenq, aenswx caeuq haeuxyangz itgungh 10 ciengwz, wnggai vuenh ndaej makbingzgoj haenx caeuq aenswx naek haenx gungh 5 ciengwz, yienghneix saedcaeq ndaejdaengz makbingzgoj dwg $5 - 1 = 4$ (ciengwz), mwngz couh noix hawj $4.5 - 4 = 0.5$ (ciengwz) makbingzgoj lo."

Boh'au dingq Dauzdauz yienghneix gangj le, najmong dwk ngaem gyaeuq roengzdaeuq, cijndei aeu gij makbingzgoj noix hawj daxgoeng haenx bouj hawj daxgoeng lo. (haj nienzgaep Sung Ginh)

Dahcej Seizcou Okdaeuq Guhcaemz Haenx

出来玩的秋姐姐

Dahcej seizcou youq ranz mbwq lai lo, dajsuenq okbae guhcaemz saek yaep. De dawz gak cungj gak yiengh liuhsaek, gij feih homfwd, lij miz haujlai doxgaiq yinxdaeuq, cungj coux haeuq aendaeh hung de bae.

Dahcej seizcou daeujaengz ndaw ndoengfaex, de angq dwk daz mbawraeu baenz saeknding, baenz mbaw baenz mbaw mbawnding, lumj bogfeiz dawzyubyub nei. De aeu mbawyzing nyumx baenz saekhenj, baenz benq baenz benq mbawyzing lumj baenz fag baenz fag beiz nei. Dang de yaek hawj gocoengz nyumx mbaw seiz, deng

mbawcoengz soem camz mbat he, yienghneix de nunu gaiqfwngz deng camz haenx, buet bae lo. Raq rumzcou liengzsisi he ci daeuq, dahcej seizcou haetawi sing hung he, doeklaeng cauuhux lo, haujlai haujlai mbawfaex cungj deng saengdoengh loeng roengzdaeuq lo.

Dahcej seizcou youh buet daengz ndaw suenmak guhcaemz, de mbouj siujsim laemx mbat he, feihhom daj ndaw daeh de mbin okdaeuq, sinz youq gwnz aenmak, yienghneix makleiz ha, makdoengj ha, makbingzgoj ha, cungj bienqndaej homfwd, diemzsisi.

Dahcej seizcou lij bae ndaw



doenghnaz, ndaw suenbyaek, ndaw gunghyenz……mwh loh gvaq hagdangz, de sawqmwh siengjhwnj swheij lij miz cozyez caengz sij sat ne, yaek ganjvaiq ma ranz sij cozyez lo.

Youq gwnz loh ma ranz, de yawjraen daxgoeng seizdoeng okdaeuq youzbyaij lo……

(sam nienzgaep Cangh Mingz-yenh)